



古320
5442
:11

106
844
23





亦政堂重修宣和博古圖錄卷第九



摠說

卣一 一十五器

商

持刀祖乙卣 銘一十四字

執戈父癸卣 銘六字

言卣 銘六字

田卣 銘二字

世母辛卣 銘五字

卦象卣 銘二字

祖辛卣 銘七字

立戈卣 銘作立戈形

兕卣 銘二字

執爵父丁卣 銘三字


寶卣一 銘四字


寶卣二 銘八字

瞿祖丁卣 銘一十二字

兄癸卣 銘五十字

冊卣 銘二字








摠說

卣之為器中尊也夏商之世摠謂之彝至周則鬱鬯之尊獨謂之卣蓋周官尊彝皆有司所以辨其用與其實所謂六彝者雞鳥犀黃雉鬲也六尊者獻象著壺泰山也而禘祭則合諸神而祭之者也故用五齊三酒通鬱鬯各二尊而尊之數合十有八禘祭則禘祖之所自出者也故用四齊三酒闕二尊而尊之

數合十有六是則通於鬱鬯二尊者其所以
為卣也何以言之成王寧周公之功而錫之
以秬鬯二卣平王命文侯之德而錫之以秬
鬯一卣皆實以鬱鬯知其為卣明矣蓋秬者
取其一稔二米和氣所生鬯則取芬香條達
而和暢蕪於外卣之所以為中者惟其備天
地中和之氣非有事於形器之末而已凡所
以錫有功賞有德是亦使其強不過中怠不
鞭後不失夫至中之道故爾然彝也尊也卣
也皆盛酒之器用有所宜則名有所不同賈
公彥以謂上尊曰彝中尊曰卣下尊曰壺爾
雅亦曰卣中尊也故取其中中也者天下之
大本以其德足以成天地而配之者也故卣
所以實之鬱鬯者義在茲歟

商持刀祖乙卣





蓋



孫持刀形作祖乙
寶尊彝

器




音釋同前


右通蓋高一尺二寸四分深七寸五分口徑
長四寸八分闊三寸六分腹徑長八寸六分
闊七寸二分容六升九合共重九斤十有二

兩兩耳有提梁蓋與器銘共十四字曰祖乙者河曹甲之子也孫象形而手執刀蓋孫又疑其為子字子蓋商姓也先王之事親於藉則必秉耒於牲則必執系於羞濟則執鸞刀於入舞則執干戚凡於祭饗未嘗不竭力從事以職其勞則卣之持刀亦宜乎禮記云袒而割烹義取於此觀其字畫奇古形制瓌異可以為諸卣之冠

商執戈父癸卣




器




音釋同前

蓋





孫
形執戈
父
荼




右通蓋高一尺一寸六分深七寸五分口徑
 長四寸四分闊三寸二分腹徑長七寸三分
 闊五寸六分容六升三合共重十有五斤六
 兩兩耳有提梁蓋與器銘共六字父癸者商
 天乙父主癸也上作人形手執一戈按諸銘
 款多為戈狀或立之或橫之至此乃執焉蓋
 戈所以戒其過苟念於須臾而忽於持久謹
 於憂勤而失於懈怠則戈之戒將忘矣非特
 戈也蓋有所謂執鸞刀有所謂執一金斝黍
 或曰執玉或曰執爵皆因其事而有執焉觀
 其器悉以鳳鳥為飾而鳳之為物因時而隱
 顯覽德輝而下者也器以藏禮而取飾於是
 非禮文之盛曷以稱此昔周官掌六彝有以
 鳥彝為名者鄭玄所謂刻而畫之為鳳皇之
 形其法蓋取於此然後世但知歸美於周而
 不知商實有以肇之也

商言卣



蓋





丙言

哭




音釋同前




博古圖錄 卷九 十一
右通蓋高九寸八分深六寸二分口徑長四寸闊三寸三分腹徑長七寸闊六寸三分容四升二合共重七斤十有一兩兩耳有提梁蓋與器銘共六字其篆畫不少異惟中一字與銘意皆未可詳此器制作純厚而不雕巧銘復簡略規模與商夔龍卣相類定一時物也

商田卣



器

盖




世古圖錄


卷九

廿

右通蓋高八寸深四寸九分口徑長四寸一分
闊二寸九分腹徑長七寸闊五寸一分容三升
五合共重五斤九兩兩耳蓋與器銘共一字飾
以雲雷夔龍之形紋鏤華巧切近人意其銘曰
田耳間連環以為提梁而今乃殘缺不見其完
亦可惜也且田者染盛之所自出而卣之為器
中尊也詩書所謂秬鬯者正一稔二米之謂焉
銘田者豈非追本而為言耶

商世母辛卣





盖

母辛

器


世母辛




右通盖高九寸七分深六寸五分口徑長四寸一分闊三寸腹徑長七寸闊四寸三分容五升七合共重八斤六兩兩耳有提梁盖與器銘共五字器上一字作三×按說文世字从三十故以此為世字以世為銘者盖欲世


世傳之子孫不絕而已且三×又意其為五
字以二一而交之象陰陽交午之義天數窮
於九地數中於共九六之數為十五而天地
之數備三×者十五也古之聖人極其數遂
定天下之象故以之制器而天地之數寓焉
是則制字之妙未易以一理推也且辛為商
號而曰母辛即商史所謂辛母者是也蓋古
人命辭或上或下其變易類多如此

商卦象卣






蓋



卦象

器




音釋同

右通蓋高一尺四分深六寸口徑長二寸八
 分闊三寸腹徑長五寸七分闊四寸八分容
 三升六合共重六斤十有四兩兩耳有提梁
 蓋與器銘共二字作卦象觀古人畫卦奇以
 象乎陽耦以配乎陰一奇一耦而陰陽之道

全一虛一實而消息之理備然易始八卦而
 文王重之為六十四卦夏曰連山商曰歸藏
 周曰易是卦也上下爻皆陽有乾之象中二
 爻皆陰有坤之象虛其中亦取象於器所謂
 黃流在中者義或在焉雖不見於書惟漢揚
 雄作太玄八十一首以擬易曰方州部家今
 爭首一方三州三部一家與此卣卦象正同
 雄於漢寂號博聞殆玄之所自而作耶

商祖辛卣





孫執戟
祖辛

作彝尊


寶



右高九寸三分深七寸五分口徑長四寸五分闊三寸三分腹徑長八寸闊七寸一分容六升九合重十有三兩兩耳闕蓋有提梁銘

七字曰祖辛作彝尊又象人形右執木左執戟按商十四代君曰祖辛蓋祖乙之子沃甲之兄祖丁之父也其象人形而執木執戟者殆是其武舞也木當是朱干戟當是兵舞昔舜之時舞干羽于兩階以格有苗則五帝之前其武舞亦所不廢武王之樂曰大武而舞如之則三王之後其用以濟時者又所不敢忘武也豈商之時獨不然耶攷商有天下至

祖乙而政復興祖辛繼之而善述其事則干
 以自衛戟以攘敵者於祖辛有之也宜銘是
 器以旌之又嘗求其用舞之由固有文舞有
 武舞凡山川之祀社稷之祀四方之祀與其
 持盈守文之君皆以羽旄之舞而文舞是也
 若以武得天下故於是有干舞焉武舞是也
 祖辛之迹不見於書傳而特有此武舞固可
 以類求矣

商立戈卣







立戈形

右通蓋高九寸二分深六寸二分口徑長四寸五分闊三寸八分腹徑長七寸五分闊六寸容五升三合共重八斤六兩兩耳有提梁銘作立戈形書稱四人綦弁執戈又曰允之


戈在東房則戈於五兵為利器王安石字書
戈從一不得已而用欲一而已以是銘其器
蓋亦示戒之義按商有立戈鼎有立戈父甲
鼎與此意同是器通體兩面狀饗饗間以雷
紋提梁為甬首蓋皆亦其防閑之理

商兕卣






器



蓋




兒


兒

右通蓋高一尺三寸深六寸四分口徑長三寸八分闊三寸五分腹徑長七寸闊六寸五

分容五升七合共重一十斤十有二兩兩耳
有提梁蓋與器銘共二字作兕形語云虎兕
出於柙則兕非馴獸有害於人者故昔人用
以為罰爵曰稱彼兕觥是也觥既曰兕則宜
卣亦有兕是器提梁之兩端亦象兕首而通
體作饗饗狀豈不有所示其戒耶商尚質於
是銘諸器者或以其形此所以與周器異耳

商執爵父丁卣






爵象執


父丁

右高八寸四分深七寸七分口徑長三寸七分闊二寸七分腹徑長五寸六分闊三寸五分容三升六合重四斤十有三兩兩耳闊蓋有提梁銘三字上象手執爵形考只之狀口引如流下列三只是有爵之象旁畫以又說文謂又手也按禮記曰孝子如執玉如奉盈洞洞屬屬然如弗勝如將失之則以手附爵者蓋見於如將失之之意非盡其欽而欽者孰



能臻此商之君以丁為號者六曰父丁則未
詳其何丁也




商寶卣一



商寶卣二





蓋

博古圖金

作寶尊彝

器

博古圖金


音釋同前


前一器高五寸深四寸五分口徑長三寸八分腹徑長六寸四分容三升四合重三斤十有二三兩兩耳闕蓋有提梁銘四字

後一器通蓋高六寸八分深四寸八分口徑長三寸六分闊二寸七分腹徑長六寸八分


博古圖 卷六
闕五寸五分容一升九合共重二斤十有二兩兩耳闕提梁蓋與器銘共八字右二器皆卣也不書作者之名而摠謂之尊彝一無蓋一闕提梁然製作渾厚而飾以牛形牛之為物能興民功致民力出作入息而服畝畝之事先王於器用之間所寓自有理致周司尊彝春祠夏禴所用獻尊以牛為飾其原蓋出於此

商瞿祖丁卣






蓋



形 犧牛冊
祖丁

器




音釋同前


右通蓋高六寸四分深四寸四分口徑長三寸一分闊二寸三分腹徑長四寸八分闊三寸五分容一升五合共重二斤十兩兩耳闕

提梁蓋與器銘共十二字曰瞿者質諸經傳
無所見而商有瞿父鼎亦作兩目相並正與
此卣同寔一時之制曰祖丁者商十四世君
祖辛之子也中為犧形下為兩冊皆取象於
物而書畫未分至周官司尊彝有曰犧尊者
飾以犧牛蓋所因者商之遺意耳畫以兩冊
所以為冊命也亦猶康王命畢公而曰冊畢
制器尚象其義如此

商兄癸卣




蓋



丁子王錫爵丙甲
申貝在寒用

丁子王錫爵丙
象形申字
申貝在寒用
作癸彝十九夕
惟王九祀世昌



器





丁子王錫爵丙甲
貝在寒用作癸
彝十九夕惟
王九祀世昌
象形
禹字

右通蓋高七寸三分深五寸三分口徑二寸
一分腹徑四寸容一升六合共重二斤十有
二兩兩耳有提梁蓋與器銘共五十字曰丁
子王者按商無謚號皆以天之十日配之王
則三代之同稱也兄癸者則兄弟相承之辭

故祀其先王或稱祖丁卣之類或稱父若招
父丁爵之類或稱兄若此卣之類又曰惟王
九祀者爾雅云唐虞曰載夏曰歲商曰祀周
曰年其言祀則知此卣之出於商也其末曰
世昌者蘄世世昌盛有如此銘也他器有曰
子子孫孫萬年無疆之類也著以鬲形者古
人於酒器多以此為飾故尊也爵也皆作此
狀蓋欲如鬲之炊氣上下交通而已



商冊卣





蓋

器



冊

冊

右通蓋高六寸五分深三寸六分口徑長二寸三分闊一寸八分腹徑長四寸四分闊三寸二分容一升共重二斤五兩兩耳有提梁蓋與器銘共二字曰冊且卣所以承若之錫

然後享于祖廟之器故必言冊以紀君之命
 商之辭略故一言而足是器頂中作爵柱以
 為舉持之具又以綯紐為提梁而其足與蓋
 皆著飛鳳相嚮之狀蓋之旁又作山形間以
 蟬紋純緣外則以獸首為鼻之飾以夔龍左
 右環之蓋商器多此類也

亦政堂重修宣和博古圖錄卷第九

